

后溪集
利

共
甲

~16
2441
3



和
號 2441
卷 4 子



后溪集詩三

乙卯冬梅課

豐城趙裕壽毅仲 著



夜起山童執燭驚南枝數朵簇分明吾看似霧香猶
認已賦梅花一首成
日課梅花入小詩年々是役亦云疲此君自有傳神
處帶雪踈籬掛月枝
蘭湯自澡及梅身花與人皆日々新更得清香沁肺
腑朝來詩思越精神
侍兒慵不閉梅籠數片微傷一夜風水雪肥膚君自
負怯寒今過后溪翁

青玉枝邊倒瓦樽可憐無酒貫山村真珠樂事僧來
說太守梅前日醉昏

古梅生意似人衰綠發南枝未北枝猶勝陶湖一老
樹主翁拋使守空籬

北地不惡歌

此闕詞伯無詩而有書曰此來後詩興頓減
可謂惡地將出生樂民樓巡至西水羅復通
詩竅故作歌為北地解嘲

孰敢誣北地作惡地幽土山川望清峻人何曾到此
心孔塞北海之帝元工鑿混沌相公五載吸湖光盡

漱梁葦靈竅開通來貢社數百篇皆自其竅流出來
今何無一出闕詩強諉其地為之崇白山青海曾羨
君平之詩思豈有於公頓減理似是使道盤供太肥
釀詞園亦遭胡羊踏或者籌邊樓上非時急漫閒文
字權倚閣自是人不興於詩夫豈地使収其賴胡為
醜謚輕加彼北風吼怒如噴恠作歌聊啟海山鍵玲
瓏穿透所巡皆詩界不待遠窮西水堡可以直廟東
溟壘君不見關西少帥風流作不罪香山枉清淚

梅課四言十首

歲云暮矣花亦衰止睠言同心悠哉千里

歲云易矣花亦零焉耐久也人猶在花前
梅雖巧斂來歲能花人一老醜難復菁華
年、咏梅五言七言今變風雅聊以汰煩
梅簷漸暖雪屋猶涼冷淡之極時聞暗香
落葉映條殘雪樓籬亦白其頂寔中者誰
陳英雄厭綠葉可喜同心之臭眼媚終始
一花一詩其首幾何非詩之富花也不多
山房靜夜僮鳥皆眠彼何殊者醒亦無言
梅花不故歲色方新吾亦頑健同見此春

除夕獨坐感一年中存沒寄南橋

歲豐人樂最今年何故吾儕百六漏錢老亦以荒壽
域徐陳路喪減詞負迴蒼角梅孤笑掛在樓西月
可憐欲請耆堂補耆缺具盃元有沁餘錢

洪洪厓挽

未操牛耳此焉歲舊坵詞盟孰主張令我益孤嗟友
盡非公之慟為詩以秋墳又和溪西唱曉輓應歌嶽
下章嗅爾洪厓期不死其歸比似地仙忙

丙辰元朝試筆賀東園表第七十壽仍約赤壁
之遊

新得咸營彩管揮元朝試草賀正詩中書不充吾偏

老下壽猶難爾又稀二子乘舟應久候七翁刺艇盍
同嬉回頭四十年前事赤壁天磨獨不非

託甲戌歲携賢第陟天磨泛花石也君得麻田郡
庭酒共酌於宿華歲之夕有囊篇檢看天磨色壺
醞盛來赤壁光之句蓋麻江亦有赤壁故也今兒
宰臨湍其江與胤縣之金水通可一棹往來也
故要君作浚赤壁之遊則又以病辭可謂浚風景
也茲以詩加鞭老處士可以動否好笑

次東園年例壽我詩韻

此老猶生見不生舊冬雖晦有殘蓂今年益覺吾尊

重七十之翁頃作元

人日題溪西人日詩後

今日偶檢陳軸得溪西去年人日詩又聞洪厓子
以是日即于牛耳之阡茲夕之感不獨子美之一
蜀州也遂題晚集后兼致四宜靈座前以補輓歌
溪西人日作道是降生辰此日豈無日其人非復人
廢詩花勝節散帙草堂晨可耐牛山涕今朝又落電

題闕西伯西遊雜咏卷

不耐迎蕃往復忙印符來掛祖師房欠伸暫覺繁華
夢歸宿將依宴寂塲東聖遺祠尋古木西山舊鉢寄

何堂胡為閑塞三千里只得香菴十七章

次北筒立春後雪

北雪春方下轅門負六花
攸釵來點綴裨袖舞橫斜
甯念埋三迳惟憂冷萬家
无憐廣陵曲空艇凍膠沙

金都正汝平弘權挽

雖推崔丈為耆首社席君常作
祭酒蒼顏鶴髮尚多人
座上春風今未有

東峰影側挹清芬太守廉平父教云不必澄波歸遠
櫬桐民願奠大朱君

贈任學士珽燕行二律

東郡趨庭日西鄰奉使辰
扶桑初拂釣薊植欲張緡
公子大方眼波區萬里
津既起家孝伯又慕海脩鱗
野屋煩吾看主人胡不歸青雲
父子迹白社友朋稀
瀛浦淹仙權遼程儼使駢
何時二疏返舊里賜金揮

贈雲上人兼示舊西伯

一江烟月寺風流僧將題詩
浮碧樓若謂軍裝能損
韻相公曾亦著兜鍪

初吾之薦汝西帥要住永明
佐元戎詩故也而強
授之將職褫三衣而加
緇衣笑受其軍禮曰詩僧
敗道噫此自西山四溟家宗風何敗道之有僧而

將何如儒而將乎似不理會未受節時也好笑

李杆城秉成挽

清高早服老先生仍能承家軼轍名吾敬一源雖似
鳳麟洲不敢處阿平

竹西清澗弟兄街曾賀君家道氣多還是詞人仙分
薄到頭死葬北邙坡

題竹西八景畫更請其詩

將完海嶽傳神帖又值滄洲老畫師太守以詩為粉
本良工寫勝入烏絲若言八景都收此何得一僧能
負之嶺翠滇嵐元不重添擔湏是百篇詩

更贈雲師還三水菴

碧雲詩境惠休稀但見白雲時入扉南漢指窠千衲
起北城投印一僧歸回來行卷還隨錫舊坐禪房有
掛衣傳畫傳筒誰作鳥槎川應似我依々

謝真珠太守送僧惠羽溪蕙

真珠歸不載明珠紫萼擔囊得自扶憫見洛陽人盡
老瓊漿波作最先吾

后溪蕙花餞僧行次放翁韻

問爾何心辭大雄寂寥來伴此衰翁吟筵草就詩和
偈譚座花飄色卽空病客減衣知暖候歸僧拂袖有

清風更煎落葉為君錢何惜壇邊千點紅

又次雲師韻

兩足烏捷起春殘黃鳥稀時傳京洛信覓句一僧歸

奉頌鶯谷李相公準請還政兼壽七十七歲國
菴

自古宗臣釋負難此行誰道尚盤桓唐即未定寧還
洛宋策終完始退韓辭殿許扶靈壽杖出都留掛
進賢冠江山不用三公換何處公能几易安

不恨如花未落茵猶能配月到今晨曾推安石廟堂
量自着幼輿岩壑身容我暮年還本分頌公斯世作

完人謁公將以野翁服請屈耆英堂上賓

重過花潭

道是花潭不見花綠陰洞壑已春過寥々古院誦絃
響歷々遺邱樵牧歌

來蘇亭

老眼初看沒字碑人言中刻相公詩停舟更別蒼苔

讀晉蹟分明阿火為

東岡叔父題九疊廬屏半面
徐莊八字於第一峯壁面

第五屏低俯綠灣維舟容易客登攀今何忽立南都
壁朴定齋題絕句還

越二日復打魚臨津

昨日之漁少敗意使君設網又東津
帆前樓出九屏疊舟上賓仍三幅
巾同賦打魚招子美何來寄鱸有
遺民晚來緣葦求鱖去俄頃眾翻
閃二銀

次中樂全映流堂韻

昔賢留別業往事問漁樵
轍壁花猶在金枝葉未凋
遠惟忠肅弟同連日星標野
坵牛溪水江通鷗海潮
重營孫伐木過式客停橈
赤壁宵移棹烟波更沈瀟

寄題南斯文選明湍阡永思堂

留與遺民手植松奉來治命
羹歸桐循陵孝子能追
遠上塚龐翁不入公奕葉門
闌辭摘第杏花村戶樂

為農堂名肇錫同雙井也為堂封在眼中

步登邑後白鶴山晚望寄白下主人

病餘筋力試於山
髹木輿輕拄杖斑不待騎扶能自
運行超礮壑未知艱
崧京樓堞興亡後沁海帆檣杳
靄間白鶴時來應
恁悵西湖人去久無還

自滿將歸樊廬

官居豈不好吾自愛
蝸廬所喜惟飯菜常供
莫稅魚厥為無印守
愁載下簾輿快活舟
歸路兒何苦阻余

自滿歸路雜詠

牧隱遺祠瞻像拜牛溪
舊宅式閭過名賢來徃山
蹊

在樵子猶傳座首歌

次侍中臺韻取一源語賦得滿月臺

荒城虛照月虧臺五百年光流水催麗國有人騎馬
過華嚴無效點燈來敬拈圍院香單辦夏酌徐潭水
一盃那得五冠留霸氣請看三角半天開

收麥

越江收麥去雲黑愁漂雨載濕歸舟重青潭何以渡

五月小旱

三日不雨已遑天公固難為民宰老夫晚讀勸禱
書粗推陰晴強占歲今茲小旱為收麥奈何復憂根

耕乾毋輕怨咨望天公辛壬之事天亦嘆

二十八日雨

粵三日朝果雨作不驟不徐洽滲漉高田水生麥畝
融插秧耕根無不足吾非有術識雨暘但知皇天本
至仁氓來問事將何應愧推新村舊老人

憎蚊

養就園林已翳然欲來名鳥致清蟬如何徒產蚊千
億嗜動先生破坐禪

憐蠅

山館無炎紫不腥適從何到此焉停吾今更作憐蠅

賦非汝誰來漱玉亭

漱玉久涸夜雨瀑生

年來愁喧瀑亦厭昨遊徐潭不窮朴歸山緊封漱玉
口每憂一夜風雨惡今看小溜忽驚聳人笑蒲團獵
心動噫吾之所樂不在此但喜去作山前插秧水

乘漲試新結王氏網

溪乾網束閣江溢舟來橋釣伴同乘水魚聲亦逐潮
劈波投若鴨捲沫出呈儵晚飯將烹鯉船頭人賣樵

深夏村事

無田耕罔地屯長倍徵科彈入輸官後晨炊又貸他

右納麥稅

數日嘗新鮮漲溪魚稍上還愁水落後閒掛簷頭網
右網成始食魚

三籟俱收處一山常寂然雨餘仍小閣數箇有鳴蟬
右聽蟬

漁童急索網柳崖宵生漲可笑老漁師清晨顛倒往
右再漁

立石同淪碣華村半陷湖魚龍新宅廣烟火數家孤
奴喜移樵市人言泊賈艫三看田變海吾亦一麻姑
右觀漲

舊漲難歸壑橋頭尚泊艇童言晴意在風柳忽鳴蟬

右小晴

十年鑿混沌山洞劃然開自作開山祖何煩霧運來

右鑿巖拓洞

謝李奉朝賀分餽 別賜魚米

長鬚遠致米和魚深念旬霖麥罄儲如此憂民救時

相 聖朝何早許閒居

七十齊家待舉火此時平仲尚為卿若是懸車無祿
後郝周東郭一先生

前送扇尹蓮逋乞畫王維納涼詩畫未至而秋

已生矣以詩趣之

翰林灑頂長松下右丞沃躬喬木中二詩雖清六月
暑不如入畫尤生風前年整兮謫仙涼即今扇故松
倒僵適得漢宮一圓月更乞蓮翁畫水木吾家具體
輞口莊但可點樹為柳川變江不必遠寫摩詰真權
着后溪癯老人若待畫來退晚炎金甌已屈巖扇節
應是新居駱峯下獨飽清涼忘人熱本知能事不相
促老人之請副宜急

題晚谷絕筆稿

斷爛溪西草人詩恐并七梵文魚未下仙字蠹偏傷

有妾能哀拾其誰為表章佛恩如欲報茲稿益看詳

祭後僅四日晴又大兩

一祭纔瞻四日暘村童又喜舞商羊俄回舊雨簷霽
霈復變新江野森茫旋鏝堅顏溪屋廢欲鋤泥滑浦
田荒田荒屋廢渾閒事莫壞重修半畝塘

蓮翁不作輞川細涼圖而寫我后溪柳漲著余

其中故題扇尾謝之

乞畫輞川圖乃寫后溪境色。水與人皆我非斤嶺
后溪四時態此描秋漲景前川果變江柳陰未舴舻
歷々入浦帆似避西風猛快哉扇裏人清颺應灑頂

其人非摩詰老子之分影不分苦炎日渠獨飽涼冷
猶為幻身謝製者今和靖

李察訪衡齡挽

推宅曾居御水傍中年離潤面幾忘洛堂會老雙驚
白水署邀鄰共納涼兒肖負螟能守業官低記馬遂
題喪自從主社崔翁去餘十耆員半在亡

中秋涼夕呼韻

一霎能蘊萬品枯微颺又振小庭梧波紋忽漾池來
鵝秋味方生郡送驢心內平除焦火事手中仍摺納
涼圖兩餘風月三分好試聽新桐韻暢無

用嶽下悼亡韻約復耆社呈南橋蓋欲以拋過
去之悲而盡餘在之娛矣

天留數老作悲翁悼友詩牋濺淚同君莫悽哀殘景
內彼方遊戲太虛中魚徵赤壁登盤白酒釀花江注
盞紅將屈富文為洛會盍來君實自嵩官

石池始成致侄送鵝鴨

盆池水到鑑光開恰受游鯨數百枚更見波心紋蕩
漾一雙鵝鴨任分來

題一源歲畫卷二絕

林木翳然處應留莊惠舍濠魚不出否未見玩鯨者

尋詩千嶂雪無乃太癯寒何似茅簷底早歸驢歇鞍

次豐原悼歸樂亭韻

舊亭歸可樂何事有餘悲鶴引琴舟客猿為守舍兒
書難善和在琴亦阿兄隨散落陶家故今預稚弟治

聞白下歸墅却寄

半載方成出畫行不知鷗鷺罵寒盟青猿隨處應供
茗白鶴聞之已候荆廊廟本知非穩地江湖盍與樂
餘生將申赤壁看楓約又恐秋書學鴈征

次一源悼君則韻且申耆席來會之約

震蕩西江小靜波宴嬉東洛亦蹉跎錢能使鬼其誰

送墨果磨人奈若何一箇半箇見身少千朵萬朵落
英多槎翁未必懷芸叟茲席何心託小疴

寄白下

鴈初飛日燕宜行好去江湖踐鷺盟書畫艇中惟載
筆鶴梅菴內不携荆士師進退看三黜翰學聰明誤
一生信宿漁家終汎汎孤舟又欲犯晨征
今夕尚書顧有期山妻薄具早治之輕舟風利寧吾
過空館宵深獨爾思南郭坐聞三籟響西湖歸得幾
篇詩近來肉食言多食鷗鷺之嘲亦若斯
重陽近矣兩兼風秋色遲歸三迳中九月清樽難泛

菊荒年小酒不酣楓詩盟晚托青雲友感什新成紫
極宮喚取逋人多入社 聖朝無乃罪村翁

次來韻寄日涉新亭

吾門戶計退藏宜長阮之賢最出奇陸時不營惟聚
石習家寧徃自穿池朝回闕掩每通客日涉亭新又
索詩若欲老夫能善頌不如先勸落成卮
皆言新沼插峰宜小宰為山石有奇何必疊堆羣良
嶽可分孤絕一仇池米家不用攫金手趙國又遺求
壁詩兩丈人行相得後盍來三影對銜卮

次金文谷辛丑志喜韻賀 元子生

前四重歌奏質庭。神孫又降畫堂生。稟來克肖
天人表。抱送疑從壽祿星。湯餅舉男。三殿喜堯盃
祝。聖衆臣情區。詩意同辛丑。仰認先王亦與

齡

落句一作和聲鳴國諸
公事野老何知欲獻齡

請二老相公于南橋第續成老會

又喪南陽百歲翁。溪西耆宴已知終。春遊莫續玄都
觀。秋色偏傷紫極宮。林下喜聞歸二老。社中今可屈
三公。橋南更有糟丘叟。九日清樽莫使空。

迎寄松石主人自北歸軒

寒令方催鴈在前。回翔人底戀西川。無心更換三公

勳。有分終消萬料錢。候代應留騎鶴館。將歸先理釣
魚船。送君行處今迎笑。又是辛郊九月天。

題松石千佛山遊錄

不知何勝尚天慳。歸路竟搜千佛山。舊識歌鸞能遠
送。曾攜琴鶴亦同還。霜楓近塞應先暗。雪嶠臨溟莫
徑攀。詩是北征吾敢品。君平子益兩雄間。

初冬卽事

鶴翎全不禰山家。濃艷終非隱逸花。常怪淵明偏愛
此閒情。之外又微瑕。
風雨徒然寒事催。猶驅落葉入廚堆。龜堂片暖知誰

助不待樵青遠拾迴

菊今無艷為房老梅更修容入閣新退院僧前花不
斷一姪疎又一姪親

與諸弟侄同遊安定僧菴

好染鬕鬢事後生郭南遊處又同行烟霜野屋瓜留
蔓花木禪房菊落英聯句齊來謝氏侄續沽還有孔
方兄飯泡不向隣僧乞自是吾家近負城

題熨手餅

能溫十指不煩呵街火瓦壺承腹燂莫曰無當真有
用不龜手藥豈求他

丙辰梅課四言

山童起掃雪不知來又有奇事梅花曉開
雪已五白梅僅頭葩罕見為貴如鉢曇花
菊醞新開梅花勸酌梅香菊香為衆香國
山窓早開玉色迎陽趁景樓鐘渠已梳粧
開花既少吐芬難長為梅護短暗添爐香
空山雪裏繾繾隨吾人來問曰是君妻乎
生香不斷活句頻成天心在花節亦陽生
梅雖缺減詩則圓賦梅花八章一章四句

臘朔孤日無酒獨坐吳天即伯教携笛奴來訪

不知何客枉城東
珂馬天郎帶笛工
白髮翁能延榻
外金鬚梅亦笑
牕中生朝禁酒孤
村淡臘日流漸
小峽融尚愧青橋
詩月斯辰元值
竭磨窮

疊東字申謝吳文甫所贈畫菊盃

故人前贈玉西東
今日諸公歎製工
燒菊花瓷仍勒
底比蕉葉盞更深
中兒頻捧進
衰梨醉客一傾來
凍栗融又送腴鮮
充下酒和盃咀
嚼味無窮

再疊東字謝文甫叔侄迭送笛奴叔則加一頭

鯉

長鬚致鯉鐵爐東
腰笛來稱大樂工
續送清音梅樹

下何多高韻竹林中
頻吹北蕤琴
疑全落再酌南烹已

報融若作龍吟漁管裏
其孫鈞出定無窮

賢威前携
笛奴令公

又遣未不得不品之阮家叔侄而若其金鯉風味又勝牛心亦可謂濟以上人也南烹出韓詩

東湖主人初送笛奴而十五夜再送之言又食

之落莫甚矣

送作琴翁伴東湖
起笛即終吹三弄去
又失再來期
夜榻孤絃嘿寒林
衆籟疑常奴何足責
風韻主令衰

前樓韻添二韻作近體述近事呈東湖

月小吳剛宅星稀趙嘏樓
詩珍無楚吝魚飽更秦求
洞壑寧爭局江湖不怒舟
前宵知有詠晨走笛蒼頭

迎陶湖之歸

松石軒中梅皎然公行自北
枝先千錢歸辦耆英
席百錦曾拋舞妓筵
白社舊人皆髮鶴青雲
新責幾
肩禽今年除夕華陽寺
張燭君看出塞篇

趙廣文仲明挽

無禮莫救廣文寒不汗
京師死志完古有羊棊
能賭
郡今工象戲未還官身
邊歛服悲淪綠雪裏歸
旌引
片丹身破天荒生里色
吾宗百指似君難

丁巳首朝試筆作新年頌語呈社中諸老

莫曰今年大布新猶存
林下若西人諸公國賴
為蒼

俊一老天憐作幸民碩
果寄枝冬不落殘梅半
樹夜
相親何時東洛春光爛
花外之車動小輪

沈領相壽賢挽

謙：常愧備三公時象能
調坐鎮中元自太平無
相
業虛懷不必減姚崇

國耳丹心長炳若
上於黃髮尚詢茲堪興
北使異
人歎底受南村童子欺
公以老為少年慶官所困

完人晚節福逾圓何事
公猶羨樂天自說貧無
歸老
地新移桃棠種於川

赴華菴有故不齊會轉
造松石軒夜次杜韻

野寺尋僧越嶺迴寒天古木出龍臺溪村吾尚蒼顏
在關塞人成白髮來薄具猶能壺挈近退才今畏燭
燒催前期更有觀漁事不日春江淡似盃

李判書 且晚挽

曾為沃守事公營厨傳惟齋水蘗迎北節重於銀驛
候威裝更比錦藩輕東臯舊付家清白鄭谷同推國
老成太史有言廉吏富陳門仲亦萬鍾卿

月沙宅歲 明神宗御書續通鑑長歌

萬曆皇爺未勒倦儒臣數上文華殿賜書全勝飛白
字和梅誰先栢梁宴榮光起燭熊老宅寵錫出誇鷄

林客楸枰一賭獲兩寶主人口呿惜不得和盆遠徙
冷淡花入篋全還斷爛史平分隣友約共歲樹返西
湖書闕里休言一切遇丙戎不與萬軸灰甲燹暫離
鄴架四十年旋完柳宅三千卷于何認得太平痕卷
硃濃廣運印龍王豈肯送詩板宋清安能典御冊
寒梅亦托淨地根應笑孤蘭無土著天下皆知李月
沙東人尚道熊皇華迤陵鄭國邂逅交小華中土飄
零物逸書難歸舊閣歲皇樹誰移剷邱植既不可殉
公檜栢隧亦不必去陪華陽華君看苑西安帖壇我
玉親祀酬 皇恩茲為一尺大明土舊物永有依歸

地又不見君家集中事大文東奏撼鈴 帝夜起昭
湔國誣獎藩忠公亦大受 天子賜公神在天復朝
帝應對熊君灑感淚

東湖雜酬

輕衫短棹傲風波自道漁翁髮不皤縱欲同騎春水
宅老夫猶在紙衾窩
春水高時好放舟蒼頭腰笛代黃頭人生快意元多
辱未到楊花可便休
今朝筋力試登艤飄帽江風忽颯然未到山陰先返
棹前期權待艷陽天

上壠之辰未出龐雨中禁火坐寒窓無眠好聽三條
瀑不訟能移十里江泥滑難行耕麥犢夜寒長噤守
籬猶山童報曰君來矣橫笛奴如白鷺雙

誰教老子此婆婆眼眈雖寬腹不儲日出方開壺裏
洞春歸先漾鏡前波詩翁晚計謀漁父學士前生問
夢婆縱愧隣家一部吹寒蟹互答有村歌

兒女團藥羨老龐獨懸燈火守禪牕敲門僧至勤穿
嶺乘艇人來請泛江水戶時遺金色鯉山家新畜白
雲菟石池新漲毛堪浴恨失前年鷓一隻

疊龐字咏僻村民事

洞中民俗似鴻龐何往何來各守窓娶婦比隣因嫁
女樵山餘日或漁江不猜自下林間雀多壽應冷杞
下菴便欲此間為百姓徐村何必但居雙

謝東湖惠魚

山家寒食益蕭然花未堪煎柳未綿忽送銀鱗來入
膾風流人在下湖船
龍淵元在我門前誰敢偷漁載滿艚忽遇家童諱不
得陽尊夫子送三鱸

東湖設膾會拈韻

春官謝職暮春迴設膾之造晚始開寒食草生盤馬

地前宵漲沒釣魚臺湖寬漁叟爭隈菴日晏鮮艚獲
島來斗酒不歲休責婦晴波無盡納深盃

東湖感舊

東湖 賜益海恩封我卜新村作附庸令弟代為蒼
水使鄰翁與享白魚供江山暫入陶勺手林谷猶疑
魁傑容荒落回墟相望地危菴日暮送寒鍾

次東湖韻呂元伯善長自楊突來故并寄

憶爾參差騁竹初豈知晚跨一江居楊根舟到樵風
便豆浦曾忙穀雨餘草色未堪迎俗轍春光誰信在
窮廬相逢但說河豚美風味何曾及二如

李忠義孝犬嘆

西鄰貧叟患唐瘧人道狗羹是良藥家中長物有烏
龍呼兒牽出催作臙帖耳而起奮身起亦不如越犬
之畏死蒼黃走薄晚啣歸五色翟快若槃瓠獻將首
始謂逃死去那知捉生還難到狗臊奉晉文欲斟雉
膏享唐勛今朝病口稍進食自誇有犬能供肉嗚呼
欲殺不惡反欲孝畜中申生非汝耶豈意新村十家
聚忠孝狗生忠義家詞以吾餘賞爾孝更勸其家毋
桑惟前吾蓄汝白雲雛願爾學毋無不為噫黃耳義
葬古雖書但報有恩無怨之主人吾今草此孝犬歎

亦負君三年一鬼行將蠲

謝李侍郎更贈棧欄杖歌

故人前贈一枝恨孤拐遠求其配燕蜀中薊篁潼玉
已根斷但向浣花堂前得枯棧沉香肥理老藤心輕
虛不減竹中通赤杖叩竹不入漢使裝獨與此物還
灣東甚矣吾衰不可一木支忽得雙杖方舞跛翁二
如齋中詫野叟耆英堂上驚諸公板拄兩臂若挾二
青童可以右抱浮邱左拍洪噫題棧我之子美句贈
杖君有章侯風吾雖僕、謝君之重惠南橋老子應
怪奇珍之不到躬

孫兒載敏得第志喜答陶湖

不羨君家彭蠡龍
吾家小鳳有超宗
功名已付兒曹立
盍亦同歸作老農

送至禪歷謁銅陶二湖

一詩為贊去將謁兩名公
今在江南北元城與了翁

曹吏部壽親會耆席呼韻

赴吏部招韻未清貧
登耆席敝裾輕春將
熟客一時去人與
晚花相對明歸莫
挽吾村十里飲要安
老爵三行似催來
日城西會不住林間
叟友鬻

李判書真望挽

器業公真小白軒
位年何不盡遺孫
絲綸世美傳衡硯
孝謹家風在楔門
未附仙舟遊藥峽
曾司天樂事梨園
陶莊淵社相酬地
每恨春江限退村

畿藩耆席次司馬公韻

諸翁相嗅醉殘春
耆座新增谷口真
孫第與榮村叟
達子藩為養相君
貧安昌堂後著為
客獨樂園中喜
作賓更和端明頌
公壽公能無愧古
完人

席上又次樂天九老會韻

既老何須更染鬚
大年歡勝少年娛
春歸樹、棲紅在
日曉家、醉白扶
漢相繼尊寧絕
席洛賢先退可

傳圖烏衣子弟皆來侍此是香山會所無

次大漱玉居士韻

讀子之詩笑絕纓山人乃羨世間榮
兒辭名宦瀛沈陸翁好長齋
麵代牲幾度宰猪思仲叔無由餉酒舞
淵明君家自不移夔峽豈是嚴公少故情

呈東湖解嘲

一日無官輒自高江湖大有子陵曹
明朝諫議徵書到誰向灘頭著脚牢

雲師欲薦松花餅於榼翁一小絕侑之

松下擺花髡初疑偷栗猿難欺狼藉菜
黃麵沾緇巾

龍淵觀魚

日暮分村路我與君返舟烟波亦有界
此曲是鴻溝

聞東湖魚盡將漁楮島

青潭吾苑沼魚白又櫻丹入島誰操網
休陰莫正冠故家滄海許本主晚沙韓
十里東湖外君何惹訟端

次東湖

前年吾失筇昨日君亡筌從此休漁事
蓬窓相對眠

次一源四月下弦晬辰韻

清和降在佛仙間不食烟詩不壞顏
壯麓門生疑雪嶽東吳晚葦壽奔山
綠陰芳草預鋪席流水占松空

掩關君自歸依指堯率賀詞擔得一僧還

李判書迂濟挽

早攀先丈遊庠日晚識賢即抗疏辰多士堵牆驚議
論竟承名叔作名臣

太平之世有斯哀百歲親前失老萊何不汲江供壽
母夫人又去從泉臺

弇山厭作死人緣壽序多於悼友篇老不撫棺非歇
後淚痕多在寢門前

俞叅議命凝挽

三舍齋中一故人交情寧到白頭新顏華縱減非枯

木榮路先開尚積新孫欲推 恩何不待耆皆臨會
獨難親迺來零落多吾輩淚盡西州醉後春

次濟大石林避暑韻

莫謂檣竿矗高樓可撫臨欄頭生颿吹帆背落微陰
逃暑鄰翁往謹涼谷鳥吟難無如好竹徙宅亦携琴
椒泉耆會次歐陽公觀五老詩韻

退閒之後亦難閒六月耆筵再拂冠諸老神明寧厭
、新負氣負更桓、椒漿凍腕清賓熱蕉扇揮堂恐
伯寒何事涑翁猶避席不知形已入圖看

謝山陰使君重贈平涼笠

故人穿山陰地有脩竹林不剪作時世蕩平扇只結
崎峻平涼笠應憂老夫白頭復彈冠間歲遺之紫首
簪不知初來便作隱居服弁髦烏紗戴青箬斜風細
雨柳沐餘弊漏堪插貧翁匙嗚呼此物倍顏色一朝
頂出驚隣里松石亭中不必送一件主人猶未忘露
冕山陰老民今有如放翁者否何不招之以笠加其
首烟簑雨笠若更賦定勝后溪長短句

陶湖夫人挽

曾見東溪擇右軍倫娘能得季長文乘龍喜色同元
禮挽鹿高情有小君命婦箱中無繡袷女奴輿後弊

青裙孤山今免妻梅歎前歲夫人買妾云

次陶

滾：多言我畏之靈邱告闕始治詩潘郎覓句差忘
悼并即譚禪詐塞悲逗菊久荒將再理庭桐半死昔
同移從此湖山風月夜無非陶老感傷時

趙持平鎮世大夫人挽

孝廉徵誅我何辭內美除非舊客知兒立果成夫子
志婦佳婚學阿姑為黔陽竹笋初迎舫河郡籐輿忽
改輅家釀每從賢助出難忘南巷醉歸時

趙禎甫改奠挽

墓草今陳十九年月標顏色眼森然人間整見前和
出泉下方成一室圓嗟我無多三益友挽君不足八
哀篇廣陵縱有傳筒事那寄兄邊與錫邊

次陶沅湖韻

江山本遼落離濶又高秋渚冷嚴陵石津歸傳說舟
遙灘尋蟹火斷崑出林樓如復栢臺入幾何松墅遊

次陶悼秋韻

清霜淨餘滓天界若增高長葦淒潘詠青楓落宋騷
水仙誰薦菊陶隱莫持醪鴈陣應相失寒洲有隻獮
山齋獨夜喜隣僧來宿

吾廬無乃寺投宿有僧來半夜推門響眠翁自起開

次陶湖春行所得石笋小峰韻

真樂藏何晚偷歸第一峯家山添縹緲峽岫減丰茸
盆裏堪為長松邊別錫封小巖題小律本忘語畚容

別僊上人還山

老僧宵去半間空驚起虛齋日已紅契順何求走都
下性元為戎返山中朱門長揖辭禪統白羽溪巖待
祝融隻履亦亡難蹊雪直須飛錫御冷風

次年字

折脚鐺邊過暮年一江南北有貧禪灘頭直釣無朝

饌林下清齋起晚烟鄰叟歌能為古調門僧詩亦學
彌天寒冬送乞端明偈愧爾昏歸雪濕牋

與僧同次錢起韻

幽泉誤泄出山聲溪愧遊人遠逐名瀑像匡廬能滅
灑溪回瀛宅亦寒清湯詩初擬惠休至柳序既成文
暢行須以吾徒所贈語歸誇天竺爾先生

幽憂不眠疊年字示僊上人

憂患中人足損年愁城無地可安禪去冬車氣常蒙
霧白屋寒朝少爨烟有波挈壺乘素月同僧把酒問
青天臣身甚阨臣詞苦誰向圓靈奏綠牋

近有二作更送僧呈陶湖

早離鷄列踐鷗盟鷗性何曾寵辱驚漢水漾舟無駭
浪洛衢折軸有叢輕朝端新退幾三事湖上尤高第
五名晨送門僧修候禮兩詩皆自枕邊成
野老行歌無好聲自憐三樂不如榮馬閒敢食唐三
品驥附同欄魯兩生林壑淺深皆世遠漁樵問答自
詩成山家約略知昏曉犬吠雲間鷄唱更

答李一源前詩之意

新詩近啜嶽壇名小賦那參伯國盟元美末年諸體
變放翁眷歲萬篇成天機自歎猶庸立詞格何言得

骨清已讓弭鞭歸大雅蚓鳴蟬噪了殘生

寄陶湖

吟詩生活冷闌珊誰識前身是熟官白足繭來傳札
廢烏驢跛後過橋難新梅未吐先飛雪落葉常燃亦
却寒吾輩此時宜束閣請看簷角凍漁竿

送齋伴歌者赴川北撥站

誰後絳幡老遙馳赤白囊徒牽一碗飯未共半間房
孤宿依無鶴悲歌答有螢今雖錢本大莫廢涓城章

至日寒寄陶湖

至日今朝是寒猶倍昨朝微陽獨梅得暖氣少葶飄

開硯先呵免尋裘已典貂亦應詩興減驢客徑過橋

次金士修歲舊梅韻

陳柯屈鐵在舊閣幕紗留蕉老曾遺馥蘭卽更闌幽
哦應同嶽下折不贈江頭猶未如吾境花開又水流

謝山陰守贈十八詩箋

前歲釣魚處士再謝君青箬笠今年換鵝主人更贈
我白藤帘十八番殘不為少逸少傾庫惟餘此瀛洲
學士各授一后溪貧老今併有可以題烟波陸十絕
又可寫秋興杜八首二九之篇斯亦足何須更多為
三韭君不見山陰自古好利市數紙能博一白鷺今

民應笑使君愚盡投瓊枚求木瓜又不見使君書中
六笑字我夸君謙俱堪一笑爾

題梅帳

自謂形容畫梅詩已獲麟今於香色外更得別精神

初八日晚吟

病翁起問夜何其梅本無言僮不知惟有新來赤幘
叟慙懃唱報丑寅時

次陶咏梅詩

空山守我是寒梅僧則如雲有去來去亦不憎來甚
喜拈花迦葉笑顏開

十二日僧去後獨賞梅花

懶殘歸後死爐灰但有生香在小梅休道至寒花最
忌一陽猶助十分開

乾年小雪貴於花白屋無烟桂價多欲餞寒僧歸古
寺三家村裏酒難賒

與李忠義日課歌百柄詩十句約滿萬而止

忠義之歌都正詩嗚呼晚矣習奚為傷人不惜兒孫
諫此事何宜致仕時

錫汝龜命之喪老人尚未一哭詠梅之餘演為
一哀章使小孫持辦香盃醪讀告其靈座之前

吾家今歲有二哀最哀是江南江南之山鬼谷側壁
人新埋文亦緘兩世名士五十年終得於湛幾失成
近代文章千古事未從阿戎聽劇談奇珽向見壽我
文詩未迄君、甚慚君文沒不廢我詩生先瘖窮家
後嗣各如綫爾尚肥男吾病男書香自有小潛夫定
能收君文一函噫積雪層冰厚掩君典刑認在寒梅
龕何處看君寂精神小漱玉字梅邊三嗚呼悲武哀
江南

以東坡梅花詩韻約成八排律和陶古詩

誰伴幽人雪裏村暗香先報返梅魂山奴衆賴詩生

響室有名花白破昏翠羽禽來嚼酒店素衣人立待
文園杏桃顏色何蘭臭冰雪肥膚更玉溫危蒂易飄
防曉吹細鬚可數喜朝暎蕭條一樹蓬蒿徑掩映繁
英松竹門三月看來愈不厭百篇成後欲無言風姿
獨未朝酣酒姪諫陳暄不送尊

寄陶

君家四樹百千葩久厭新村寂寞花今日乾坤混一
白遼東小白可相誇

次寄漱玉主人

君家宜有多無有底在真山疊假山、上有山為出

宇山翁今欲出人間

右題石
假山記

松風瀑水入琴鳴間雜諸孫詠誦聲父子團藥鷄犬

靜山家豈有赴科生

右釋貧不送
孫科之行

題一源所藏鄭畫四郡嶺南二帖

漱玉隱君子表章實自我予觀瀑人鐵門幾踏破

首題蘓軾字今看鄭虔畫丹壁詩不洗蒼崖練尚掛

應來好事守水欄增縹緲何故兩詩人不坐巖竇窳

依卷中瀑見之驚絕叫潺湲小漱玉今日自視顏

真山舊所捐畫筍今欲攫他時還此帖恐缺漱玉幅

右漱
玉亭

平排籬落似山樊捨艇人尋曬網村莫問洪仙移宅

意為營丹竈入潭源

右月灘
洪亭

朱欄映帶錦屏山并倒晴湖綠浪間洗盡練光脂粉

氣尚排巫峽雨雲鬢江聲不撼金詩去潭影如將玉

筍還白首那堪三上鶴此樓猶認畫中顏

右寒
碧樓

靈壁太湖朱勛石白波青嶂郭熙山江回境改皆詩

畫四郡之遊本不閒

右龜島
玉筍峰

泊舟微徑度橋來樹裏房櫺郡閣開曾見回仙上官

日一家皆在好樓臺

右鳳
樓亭

船岩上中下吾見惟下船今圖又止此二曲皆無緣

煮微水墨間林木尤翳然想君揮寫時盤礴於岩邊
石渠雖未窮監輿不能前衰劣可奈何此意同龍眠

右下
飛岩

水落不知何等山也而僧歸儒往不耐作別第
以數三長短句贈濟大之行

夫何水落山詩人適往如燕鴻香窟僧還定石林人
又空無本歸囊有十詩少蘊之作當幾篇吾聞東峯
之東西溪西古多高士逸於禪悅卿邈矣李肯死水
落山空今幾年君行又欲學叔為其叔為誰金三淵

次陶湖

君何催課急五日偶無吟詩竅穿難透歌吭閉亦溪
簞匱有真樂磬懸無戒心那將百花醞但自一人斟

后溪泡會示中表兩從孫

諸君頻顧此似我歸然存童掃凝塵榭僧推封雪門
後生孫有子前事夢無痕振蟄翁何早從今日涉園
水落莽蒼之行僧每求贖以何為題用送濟大
長短句韻作東峰影堂歌以贈

爾曾謁梅月仙人影堂否傳神初自湖西鴻寒梅與
孤月雙配堂不空惜乎咳唾不自重萬葉之詩殘數
篇無人收拾理則那任其散落碣厓三百年慷慨何

人欲哀取上乘詩僧有至禪何必在七分之艱所在
處君試索玉於珠於淵

又題鄭畫嶺南帖

君不見知微畫水壁能為活水涵：鳴此是孤雲狂
奔疊石之舊境中夜寂聽何無聲幹曾畫肉不畫骨
君乃遺聲徒畫形紅流洞中又漏形不畫桃花之紅
楓葉赤問君幾日畫水石應不費五日十日力右紅流洞
昔日阮公長嘯處半嶺復有啣然聲孤雲鼓琴下鶴
時峰上何人作龍鳴絲沉竹裂碧山空千載誰登吹

笛峯

右吹笛峯

孤雲去後書庄捨為海印述即之去丹字屬於夢泉
神仙不競歸何處萬壑千岩畫著禪右海印寺

五臺清涼佛作國東海清涼儒有宮清涼一面六
峯三十六宮亦在中退陶先生擘舟遊白鷗同逐聲
岩翁礪草巖花俱可愛如何獨猜浮來紅不妨引到
漁舟子九章漁詞清唱同誰畫偷三十六洞天最難
信者龍眠公右清涼山演先生歌曲

白鹿人歸洞久空松柏一逕趨靈宮俎豆之傍一老
屋先生几杖琴瑟儼在中茅齋僅勝有巢氏草庭曾
行無極翁最是朱書點窳痕馬肝之硯留墨紅河陽

花令向過此敬式元與武夷同行軒應載盡筆未盡
移山院如愚公右陶山書院

縱盡孤山亭知非草聖宅籬邊不植梅江上無飛鶴
右孤山亭

次陶湖

松石高軒夙會心蒼蒼非遠老難尋閒居一日那無
竹痛飲何時共入林燕律未吹先暖氣昭琴不鼓自
希音暗香最鮮催詩句又課梅花十二吟

題落梅三小絕

寂寞四三點如花初發時虔誠祈翼二慎莫曉風吹

欲省閒中事無如不作詩從今無事日同汝未開時
山中送梅罷多是閉門時安得疎々雪空枝補綴之

次韓君韻

小屋臨江不剪茨此間惟與野翁期黃家花下斜開
逕陶宅松邊近接籬詩社獨高諸老作課庭難遇主
司知湖山自有豐融響莫和端明水調詞

盆梅向衰豫蓄杜鵑擬其後歲前已盛開喜而
有作呈兩湖二絕

山榴雖少韻不可謂非花雪裏鮮紅色猶愈梅嫩芽
不令無一日人笑花於淫真花悅人眼似花盡人心

戊午元朝試筆專述筆事寄兩湖

今朝試筆頓蒙戎與主人同一禿翁昔自生花助李
白今何減藻負文通那驅萬象歸毫末未共三人待
閤中久蘸陶泓鋒不損公詩繫賴北豪功

歲之朝陶湖稚晦除夕作香至皆悼亡吳弟之
餘哀也此亦悲之又作一長歌

昨夜元美重成悼敬篇今朝聖俞又出哭內詩如何
兒女競歡夕却是老子興哀時熙兮新春忽作秋兩
幅有淚痕淋漓陶詩覽之已悽然何況晦作同吾悲
向哭阿龜自謂盡吾情此未足為哀辭吾門窮者

甬我耳爾以材故先摧芝白鬚淚滴亦窮相老樗尚
在真支離嗚呼哭少未已又哭殤太平之世寧有斯
淒涼同巷二相府奪去盡是麒麟兒今悲未暇爾曹
悲我叔君兄先吊之噫新年歌頌是爾職又何煩陳
人退羊羶縷為且置此哀勿復道君息廟謨吾治詞

次陶湖元朝韻

耕於寬野釣於濱庄客朝來告及春南浦深波沒竿
足東田膏脉入犁新釣車曾學西巖叟軺糞今如北
路人公不獨為真宰相於漁於稼搃為真

新年風雪

歲後天難一向暄時。風雪凍孤村。連陰俗最憎人。
日冷月誰能賞上元。是夕生孫來竹馬。新年有侄餽。
椒樽饗。餽解禁詩鋒。逮宋鷄高飛。魯避鷄。

次東園壽兄韻

不謂同逢戊午春。風霜尚貸老松身。為兄未易甚常。
劣夢弟以來句。始神南郭訪花今。幸健東園造竹首。
何須籃輿白髮休。輕出或恐人驚二怪民。

次呈陶湖

黃髮添生舊白頭。詢茲或及預為愁。公於廊廟曾深。
念我本漁樵肯漫憂。老萊何知輸短筮。退蹄無夢踏。

長楸桃花水動河豚上。須遣陶家輕颺舟。

濟大少年踏橋不足。又往觀大江月壯哉廣陵。

月何下於廣陵濤乎次其韻

廣陵三十里。月出房心間。徒倚朱欄榭。遙看粉堞山。
元宜顯處見。偏向老人慳。騰踏過橋去。矐乎安得攀。

答洪錫德輿九行歷省阡作

忠貞慶蔭子孫昌。遺壠今難老白楊。柳墓托鄰空遠。
想灑阡闕表孰能揚。從塋莫改青烏卜。仲夢曾悲黃。
鳥歲羊念謝家猶若此。勗哉封羯不宜忘。

二月初二日

吾常歲谷口君或出壺中境少會心處春多敗意風
今推真社長能覬攝漁翁補是前宵得來魚尚眼紅

次東湖鑿池韻

烟波鷗界忽移坤學鑿岩池擬石軒愛看駱山朝氣
爽厥聞梨峴市聲喧魚苗盡拔東湖族荷藕初分太
華根權攝漁翁何所事空潭不漏一龍孫

疊中字呈東湖二首

詩禁湖山外令由房闈中但朝雲暮雨無皓月清風
寂、傳筒僕俵、據槁翁春詞尤如殺應畏譽花紅
花已開湖上詩今報峽中得魚先穀兩行鷓有樵風

壽域難為老漁家復有翁村詞慚過獎評點似桃紅

次韓君韻

釣淮又有一漁郎江檻相望宋子堂西塞肥魚誰得
萬南湖濕兔每分光春帆無恙桃花水臘酒寧乾竹
葉觴鮮鯽香祀洗鋤宴廣陵秋醉最淋浪

題古大師四溟集

四溟真箇蹈東溟龍象之行伏鱗鯨禪偈初休倭殺
伐慈航載返我生靈西山碧鉢家傳密南帥紅衣廟
享并今代松雲何不覓機張海沸爛魚腥

次陶湖寒食韻

恒饑猶有樂大莖不須嗟莫怪連朝雨如催赴節花
公方憂盛滿春亦戎繁華裙鬢湖中景誰於鰥叟誇

次韓君韻

來詩真有畫以此寫君家、自依陶柳帆何指峽花
草堂歲隱約桃徑入歌斜獨鳥東南沒廣陵終古賒
將赴陶湖要東湖同往

湖翁將送艇潭鯉始登竿雨足桃花浪陰成杏樹壇
病夫能振蟄選部屬無官但少謀諸處臨臯得酒難
安定菴煮花諸人聯句次其韻

病夫不耐卧山村何處少年開酒尊亦有門生昇元

亮幸無家任諫陳暄觀桃前客猶多在祇樹新陰漸
欲繁野寺湖亭吾足往君毋起老以為煩

梨院耆會呼韻

自啟耆英會今當第二春六翁皆貌少散木亦花新
舉崇趨諸貴回觴壽故人區、相質意同老太平辰

又次李學士韻

病夫新撤護痾屏何況諸公各體寧七子皆從擊几
杖諸家同設列觴瓶西樓盛事移私社南極餘光帶
小星莫說暮年看隔霧故人重對眼終青

漁隱洞題贈韓道質

漁郎錯引我舟來笑問桃花何處開輕薄桃花亦無
可已為春酒入深盃

桃花詩了客言歸日晚江風吹薄衣更酌百花為別
盃餅香不斷有薔薇

歸舟回望兩亭却寄

偶牽丞相檄晚赴尚書期來便玉山倒罰難金谷辭
聊羨已艾老人面似桃衰事、吾臯緩歸舟風逆之

次錦平尉 賜宴志榮韻

寧陵禁鬻幾人存公繼無何久沐恩何尉風流詩洗
粉淳生富貴夢無痕天親喜有黃鮐老 御醞仍宣

白麩尊要識九旬精健處宴餘騎馬謝 君門

次陶

曬網籬邊水半扉碧桃花點綠蓑衣釣翁豈覓常鱗
去過客空題凡鳥歸松石夜涼終燭剪葛村江阻未
書飛漁翁信宿難如昨捻為諸君尚俗機

送春日送松石漁翁伴送燕使

燕中曾刻漁翁印虜識漁翁自有真今起漁翁為伴
送匈奴應笑漢無人

復以真假漁翁歌送陶湖兼寄東湖小秋官

才出新婦碣又入女兒浦此乃魯直之詞子瞻跋笑

不足濶浪古漁父今有無名二漁翁是假是真久在
釣隈爭訟中前年文甫幾墮巫樓雲雨障今朝松石
去押練光綺羅造漁家生活本冷淡胡為時、偷作
楊州緣權攝之翁尤可笑不竿不網守空船公何不
留釣脂粉湖清漢禽魚必不受楚固失矣齊未得不
知誰果真漁叟若起蘓黃定公業濶浪二子應同判
君不見江湖饒判事欲用人情宜送鯉

劉村隱林庄後園次一源韻

靈壁園圖好時券和偷尚可謂風流為兒不作無田
歎辨老猶懷失帖愁舊壑今能遠正派新漁直欲壓

虛舟粉榆指點劉家是始覺其翁永厥謀劉村隱林庄園即李
虛舟所寫而并田券為人所偷後孫更倩鄭謙齋畫之

大旱餘急雨作瀑殊爽然今惟允盡之亦賦喜
雨詩時逢米賊瓶甌槁然

前夜失米婦永嘆今天雨玉為吾飯誰言飢者不可
食瀑水注袂成白簷涼簷舉酒謝雨師恭甫寫之后
溪讚

端午作迎寄陶湖

節誰疑夏五兒已競秋千早少黃梅潤貧生翠麥烟
圓瓜難御獻宮扇又村傳端午何無帖歐陽使未旋

寄陶

垂楊拗作小衡門人謂效嘖松石軒亦不如陶容易
出柳陰常睡守扉閣

仲夏始聞流鶯

封植園中待轉鶯難聞還似鳳凰鳴
僮言桐柳枝交處忽有玲瓏一兩聲

題德興畫扉

聖主哀民禱雨歸巡庄處士亦憂譏
坐看雲起前山暗且駐同觀白瀑飛

溪漲田沉圃人抱蔓而歸令金生復作漲江圖

如何漢陰圃忽變岳陽湖甕卧丈人息
船通津子呼瓜瓠供水府魚鱉近村厨
細雨斜風手今成大漲圖

謝黃山陰太守餽乾筍

平生老夫蔬筍腸曾嚼南珍歸藁箬倚竹之縣不饒
守籜龍分自貧簞谷但恨千里曝未半成竹當燒寒
厨柴十束又可恨東坡首叅玉版時但招器之無魯
直

次陶湖

顏其間者醉顏蒼餞暑人開松石堂積雨僅殘桐葉
滴好風徐引木犀香山中絕客元無熱林下添僧更

助涼課老翁詩何所進正如秋後督移秩

次陶送北人韻

纔昇塞外已雲端澹月軒中夜欲殘
輟叟之居如火室漁翁所有只空竿
竹夫人又辭秋寢錦半臂誰送
晚寒除是廟堂能禁得尚書元自忘情難

曹都正夏奇挽

相君之坐次封君東洛人知齒最尊
三達之中能有二先生玉德本和溫
元白何曾事：同猶將馬異配盧仝
要尋二老真同處一陵天真在腹中

君恬我淡幸相遭更有洪厓脫粉膏
拙宦人嘲三太守還慚吾秩赤城高

清心太守昔同舟欲壓黃驪第一樓
州市尺魚厨子供江鮮風味海鮭羞

翰羅關東好泛舟輕槳同起侍中鷗
褰裳之海披襟水君自期、不讓頭

周旋最久為同窮鵝谷駱坡離合中
重續泥雲成社後剎那間失首耆翁

溪西先已海山歸君去應飄二羽衣
仙會新成何等樂獨憐耆座映秋暉

謹次 宣陵賜詩銀臺韻

在古熙洽世亦有乾旱天不聞唐堯日六合生靈烟
宣陵昔獲雨虔禱帝所憐 宸藻下院中賜醞來
日邊六仙先飽德萬姓咸蕪瘠伶俜長席孫抱軻耕
峽田不有歌詠感孰觀昇平年

次李瀕韻

茅屋深藏小有天本無人客過茫然其誰逐臭窺巖
徑不分馳聲有澗泉旣訃少收知早後菊花傳信到
霜前病來物色全拋却莫道生顏恰百篇

寄題韓上舍以一醉隱堂四景

蒼茫風雨巨彌舟翠老江行恐滯留容易廣津新漲
至濕雲猶冒水鍾樓 右斗尾驟雨

黃家千朵壓枝開盡是韓郎贅後栽醉隱貧翁那得
酒桃花氣暖上腮來 右隱洞開園

隱谷陶湖割一嵯山人二字兩宜加湖山錯繡韓尤
大八景寧歸宰相家 右陶谷卜鄰

漁難為活盍明農恰浦荒田始墾封亦有尚書為一
耦洗鋤迨裏每相從 右越浦觀稼

致弟姪輩小會鄰庵次族孫錫夏韻

佛坐歆危蘚壁穿荒寒野寺亦諸天老夫叨長同人

會僧笑菜羹插白顛

追和稚晦廢詩之詩

莫問先生欲廢詩吾窮故坐此詩為卮言不出由中
竭敢以無言擬仲尼

寄豐溪處士大谷移居

君本豐溪隱僑居遍五溪長為韓挈、枉學孔栖、
北谷畝收廣西邱瀑價低移家雖取此徒苦葛洪妻

漱玉亭歌嘲雲卿移宅

君不見漱玉亭地主權輿付洞主洞主於焉亦起宅
甘作茲山守瀑戶巖阿獨立鶴髦翁客來聽泉翁引

路長應穩跨西礪牛又不見迹於雪嶽虎近聞柳子
改卜小西邱何意一朝棄鈿鈕嗚呼至僊作之永叔
記何不滌亭終古住在山泉清出山濁定知新泉不
如故君如從此彈冠捷徑去漱玉亦應增吼怒

小漱玉亭歌

太守未載漱玉歸夜半猶移泉一涿得此零玉享之
千金猶能挾兩作瀑勢擣灑珠壁令人驚此泚分明
君遣來吾亭適成宜同名不知彼之為大此為小送
詩千里誇雲卿何必四時長殷老聾耳一歲一觀斯
足矣兒孫勸我徙居聽流堂吾豈學君輕去桑已與

山靈有約誓白首守此如東岡

吳安陰遂郁挽

追躋龍山雅戲仙謝家携客有墨連斯遊不愧西園
集畫裏翻驚減一負

詩酒酣嬉彼一時江山遼落有餘悲春來湖上同舟
處君不來非阿堵辭

移入內齋後示所留孫兒載完

山亭不宜老冬則許孫居何早鷄窠入孫纒二代餘

李監司真淳挽

去則檐帷返總帷錦江歸櫬尚餘悲兒為州伯雖能

繼底又湖南以櫬歸

盤松池畔墨為池大令家風有獻之屏障湖南題未
遍碧堂人遽罷毫揮

次陶湖韻告有東行

社信冰湖阻宦程雪峽長兒今養東郡吾復卧淮陽
自笑雕軒老難增紫綬光陶翁最惜別錢以百花觴
雪中梅發有懷諸老却寄

梅花如我脆容易感風寒是以山齋曉兒未各問安

又寄陶湖

詩翁釣叟互紅塵不出如吾乃主人忽自鷄窠官裏

去諸君笑道效其顰

臨行戲作

侍臣防禦使，鰥叟太夫人。深憶雖雌伏，溫衙可護伸。
梅花留守屋，琴索載隨身。不害開春府，茲州本錦春。

入春紀行

如三日婦，閉深軒。來路尤迷入，峽門席嶺超。臺竒絕，
處君雖有問，不能言。聞韶高閣出，轎登舊識江山勝。若增
朔國難徵無在，老清平未訪已來僧。

憶所居二如軒

山家何可犬，鷄無不向前。村聞吠呼盡，室上揚渠獨。
落應由未紙一分朱。右山齋所置鷄犬。

丹籍生涯未息肩，飽嬉鈴下定何年。可哀便了歸泉
早還在春州，率挈前。右臨行喪樵奴。

次敏昭陽亭韻

淮陽雖復卧，未減病幽憂。如女不窺閣，讓孫先上樓。
江鴻印雪去野馬，近春浮醉翁。宜來此諸山，皆遠州。

春川立春

迎吾先掃二松堂，几扶前頭設筆床。日：哦詩如畏
課兒要安老，反成忙。

官僮急掃聞韶閣春至將看太守來二水三山皆獻
色四時那不入窓開

戊午除夕

異鄉猶得小團圓守歲兒孫在眼前五色自肥猶逐
子七齡非少又祈年韶泉始決層冰底慶嶽微呈積
雪邊復恐老人昏易睡禮禪催進妓歌絃

己未元朝試筆

夔後初詩試筆成陶湖遠矣付誰評江水脆欲淵魚
脫岫日寒難野馬生風月閣韶忘肉味歲時官樂只
儼聲江山盡在登臨地修飾已樓望子京

次御賜金耆宰鏤詩韻

士大夫歸餘日短公於印壑獨優哉馮唐已老承親
問一日青雲耆社開

次睦士弘重道韻

鴈影初聯峽內鄉莫言中表若同堂草亭君自乾坤
大韶閣吾專風月涼人日繞過梅欲白元宵未滿桂
微黃休辭偃室流連飲七十年来此一觴

聞韶閣課妓歌戲作太守歌

君不見太守之上更有太守無位無民濫尊敬聞
韶小閣地位別太守時來問溫清藍丞廳裏日吟哦

蓋公堂中自清淨但見昭陽鷗鳥近
親人豈有春州鴈鶩來
稟命揀得廣陵烟花籍
助理武城絃歌改平章
風月攬詞權殿最
肉絲專考柄師琴
髯唱亦升堂直與防營
笳鼓競搗江水漾
魚鼈聽鳳笛風暖民
蘓病問爾治化能革
幾鷓響未若吾來春
樂正笑矣乎他時吾
去人誰思獨有紅粧
弟子紆情齊引領

元夜登聞韶閣候月

邀仙欄檻久苔封
元夜初開十二重
諸峽雲收遍蟾兔
兩江漸盡露魚龍
胡床風月老夫興
官宴看蔬太守供
自作歌詞教奴唱
人言風格勝於松

次金知事慶壽感息錄韻

尋源屢渡水之玄
問俗春川整住艤
白骨真公嗟朽矣
蒼顏樂老見依然
熙朝盛事龍山帖
衰世完人顏國仙
孤詠續貂非善頌
餘齡附驥願同途

春州太守試射復次臨湍所次放翁觀射韻

鳳嶽張帷鵠不傾
遠村微武及初晴
林間箭亦颼颼響
閤裏琴何殺伐聲
庾老忽臨諸佐避
薛君連中一軍驚
發弓人散留棊客
清簟踈簾對朔城

喜洪甥德輿至

席嶺連天復若平
君來殊有渭陽情
聽吾歌奏鳳山

由喜子詩傳鶴谷聲卧閣胡為春已暖治舟可矣水
方生籃輿先載德輿去三嶽雙江隨意行

再疊寄家吏部

隣江狼峽果難平曾與賢咸喻世情韶石久堙和叶
響夔灘長作聞鼙聲無絃寧有琴成毀不着好觀棊
死生寄語春州前度客希夷故事可能行

駱坡金尚書始煥挽

六龍同占四間房咬菜治文共一床皆去青雲開別
宅尚書廳事尚如沆

時來東谷坐春風中有清真叔侄翁霜雪顏桃消落

畫更於何處見園公

周瑾醇醪吾每醉姜公盛德衆為容四門孤寡如何
泣皆飽卿家祿萬鍾

和風滿月映梨遙野老癯寒猥比肩當日諸公相壽
意若為先失一三仙

仲春始遊昭陽亭

松堂自大夜即侯河漢初驚有此樓江抱牛村羅帶
細山恢顏國翠眉脩平吞八九壓韶閣怡受兩三四
奴舟不羨清陰孫祖作吾詩亦有阿蕪酬

昭陽亭次農巖韻

嶺石茲亭獨巋然，初年疑自顏王前。匡廬山岸懷西
澗，至喜江平受蜀川。仙守夢涼朱箔雨，首賢詩入碧
紗烟。名樓不敢輕題句，生怕人、議醜妍。

次寄陶湖催雪嶽之遊

松軒遙望二松堂，猶共清江百里長。雪嶽之行何晚
晚，雪皆為水下昭陽。

次德輿遊清平韻

誰騎驢去幅巾歌，潘閣逢山輒叫奇。禪滅猶存白骨
觀，奴來真作影娥池。廬峰髣髴曾看畫，巫峽飛來又
落詩。花後綠陰元自勝，清和一往未為遲。

喜清平行至

問爾幾何收勝迴，笑而不答奚囊開。見性菴前諸色
相，吾皆撈得影池來。

昭陽亭次清陰祖孫續次韻

昭陽宣獨一家樓，今日携孫我亦遊。石室每存華國
夢，東洲始闡壽春州。蒼危鶻雀高飛賀，壁仄猿猱欲
度愁。再壓曹劉無乃妄，合江曾已句題頭。合江亭初
諸作余嘗過之曰此豈金氏私亭耶輒題二絕句於
其間故云清陰評國內名樓而曰神遊夢想獨在昭
陽東洲曰嶺西山
水壽春為第一

舟遊門巖遇風不果

三嶽看花去風魔半日舟無聊還有興歸路上昭樓

聞韶送春

兩打聞韶半老花正如翁面失青華別春小律扶頭
寫又按兒鬢太二歌

聞韶秉燭念相離最惜江山失好詩春去堂二非力
及豈容君亦一時歸德輿有歸意故云

金士修內挽

孺人幼德我曾知送配名門負大姨村髻雖師德耀
儉家尊猶佐聖俞詩整從東郡無幾樂先蓐楊卯有
永悲欲闡遺徽嗟華禿減於淵老誅辛詞

浴佛日喜雨

將入谷雲二出谷弄成風雨打丹花丹花打盡渾聞
事喜得龍潭瀑水多

聞韶閣次陶湖韻

風流誰似子弘長每歲遊春自漢陽朔國相逢俱異
域峨山兮據本同鄉村燈昭閣星幾點嶺雪盈囊詩
十章館主供賓非日報石軒曾醉百花觴

冒雨入谷雲

雖雨吾當往誰能買勇隨披羊來釣叟蒙席走偏裨
櫛沐無非興陰晴各可詩輿行何用疾要及瀑肥時

次陶湖韻

舟行半日到仁嵐江驛來求入谷驂人去霞標猶矯
水回雲壁轉潭風亭半仄三淵宅雪瀑偏露五
歲菴逐臭東峰公過我寒山叅後復茲撰

歸路復坐宛在亭盤石題葉贈僧

招提不再宿臨去亦依然墨染清寒葉詩留伴睡禪
鶴衣來一叟鴻爪訪三淵可惜諸標品飛流不待湔

谷雲有懷

千古開荒有老雲因之佳姪闡人文滄波噴浸摧三
一白瀑迴翔避八分山鬼寧知五歲事洞仙新去二

茅君東峰有像堪同配欲酌寒泉薦菊芬

五芝村乘舟下江

谷雲乘水下春川狼峽高江已在前墻峻難窺儒李
夫舟忙未歷笑成仙昭樓有待人憑檻瞻瀨相迎妓
滿船歸卧二松何事業將從此去訪資玄

端陽聞韶閣避暑

此閣能生五月風殘天寧借翠微官盡開山嶽攔干
外復出鞦韆楊柳中捧酒妓來仍唱曲作詩孫至敢
爭雄明朝避暑鳳臺去爾或相當無敵翁

次從孫載浩韻

德輿君集一時還詩席之空慨有間不意爾從玄石
渚欲同吾入慶雲山三千成集吟猶苦八十營居事
不閒天下未嘗無歇處何時透得利名關

次三淵韻

高樓臨眺夕暉斜最愛江山在物華
滕渚落霞猶帶鶯
顏墟陳跡但歸鴉
惟耽夏簟閒時爽
厭聽春城薄
暮茄揚去孫還詩席
擬應嫌老筆不生花

茂陵溪避暑次主人歲春軒韻

會意處非在遠村
官門東出即花源
柔桑綠雪重生
綠密葉歲春尚有痕
溪味使供兒看
筍厨烹報熟奴

斟樽何須移席
追涼去不盡清飈
滿此軒

鷺谷李相公挽五首

稚圭早令望
安石竟宗班
雙紹白沙業
獨無雲谷艱
何心遠北闕
無地等東山
國老朝方賴
翻拋木籠還
此意誰知我
平生獨有公
伊嘗許識度
吾久在包容
不慕風流相
常為雅俗宗
可憐貞固伴
歲暮有雙松
一相一漁翁
中年馬牛風
蕉扇或過我
木陰難贈公
退之詩荷索
安世札新通
雖遇忘言後
泥雲意即融
遠聞鷺谷相
鹵簿渡臨津
白鶴新居就
青鳥永宅因
孤瑩誰漬酒
舊閣日凝塵
豈料夔州後
八哀增二人

傲洛為耆會欣瞻彥國臨得陪鳥几座始展布衣心
栢巷歌仍哭梨遙樂又沉豈惟邦國瘁里社亦蕭森

次琴鶴山人李溫老翁遊山歌

君不見遊山三老翁遠冒山雨凌江風身輕似是餐
松叟步快能先騎竹童題名少年不到之最上峯歸
傾大瓢如渴虹休連三叟豈皆五言壽商顏四皓不
妨一人竒春寒老健莫誇張病憊無多谷雲詩宗山
君盍移於壁費杖吾欲還之壺湖山水石合付少年
輩老夫甕取胡為乎又不見畫史盤礴處作嘗作老
人爬山逸圖

聞韶觀漲歌寄春州兩前倅

楚山燒畬焦岷江經旱瘦江山亦罹災面目無顏舊
初何十旬慳今朝天始漏盡滅陸渾火快放泰山雷
隣淮萬壑水競朝春州守忽如臨洞庭韶樂真堪奏
淡蕩西子湖三日洗沐後塲雖麥蛾飛野有秧馬走
山農庶一飽亦舞夔寓叟此雨 上所致太守爾敢
有親自責六事早已耕千畝

昭陽漲後泛舟由別浦歷孤山直抵北江

雙江飽雨又生枝好是鳴榔發筏時莫以孤舟維絕
壁浮山無蒂易漂移

春川公都會

春園六月衆觀光舉子何忙化日長
蟻戰人無火山熱鼻比師自玉壺
涼紛二雨點催詩鼓淡江波入
格觴護國老儒看亦聳憶曾射策入東堂

次琴鶴山人仇池新庄韻

杜陵衰晚寓夔州豈意君先買沃洲
本絕機心寧宦念不憂生產但詩愁
岷田畬火三家聚雲水烟波一
宅浮欲逐驕之尋絕境春來須遣釣魚舟

霖後又賦題新村庄畫船

枚江今作洞庭寬斷崖初開赤壁顏
返照忽翻三丙

渡濕雲猶冒北中山蜀南晴雨
乖難適夔後亦章陋欲剛夏水可乘胡
不返吾廬宛在扇中間

春州三古松為大風所拔歌

春州六月天大風拔木飄瓦乾坤裂
清平九松僅存一千歲耐久盡今日
席倒龍顛澗壑哀白摧同朽真樂骨
廳前二松日哦處半摧亦如桓魋伐
森竦破織日穿漏斯立雖來難蔭喝
蕭條霜墟鴉無棲頓覺名都風景殺
天公憎我事欲擬杜戲劇又教枅木
拔

聞韶閣後苦熱歌

老暑欲去猶頑兀聞韶之爽難禁當
新裁畫扇小如

葉百搖僅能生片涼
界面調歌亦不道
但逗火雲低
遊揚試令瞽師彈
五絃南風不競
炎氣強怪事寒蟬
亦不寒風露滿中
猶閉吭何時得見
皓吏去忍待三
庚幾發狂山河大地
無處無此熱身中
獨有清涼鄉
何不存心內觀息
躁煩自然清颺生
肺腸秋期莫問
海堂老已聞木犀
盈院香

陶湖奚取亭六面閣歌

水奚取於雪嶽之一
泓亭何象乎叢石之
六面海上
三年意匠搆江頭
一日空樓見中排
三十有六宮寬
納湖山窓六通源
頭之水既盈猶不
已去養前江鱗

六、公之妙理已在屋一區
更何觀理於宴默
噫公雖不要好官做
又宜此中思爛熟

贈靈昭琴妓

昭陽楓荻冷如潯
老妓絃聲起夜深
此是吾咸所教
否淒、猶作合江音

伯怪宰隣蹄
時所教者

遊清平次琴鶴韻

始失春鶻賞
今同秋鶴遊
昭江來袞々
真樂去悠々
道觀蒲團卷禪房
花木幽誰言
歡喜嶺懷舊却
生愁

次入洞韻

來春二載始遊清
祇是籃輿半日程
真樂事空池上

影退陶詩在壁間聲雙條瀑白客留坐數點楓明僧
引行又問龍潭深幾尺不如迎我遠公情

仙洞次琴鶴韻

誰携我到息菴前三過人涎小有天風拔壇松蒼翠
卧霜酣山果黑紅懸邪禪汚寺佛如泣退士留窠僧
獨眠步下西川休濯足昔公紈綺洗斯泉

又送德輿洛行二絕句

鳳儀不可上、僅聆韶崑羊甥不可留送至九成菴
迨小菴去秋色同清平昭陽霜後淺不及渭陽情

秋盡日有懷陶湖仇池各寄一絕

何不全家退遠鄉恨君靈壁近名場但教稚子供針
釣憂患何由到浣堂

右屬陶湖

隣舍乞糶不盈飽歸視其家火燎茅點檢晴窓書幸
在祝融猶相放翁巢

右屬仇池

琴鶴山人仇池六咏

暮出矰鴈歸朝復曾魚去平沙兩窠痕是君蹲釣處
豈有爭磯人沙中立偶語

右于步沙釣魚

深峽難遠眺衆山皴吳楚雖有振衣岡苦無開襟處
白雲平壑時方知日界鉉

右振衣岡看雲

山家貴客臨迎送難草、不可督丁男手指清溪道

縱留車馬跡教兒母遽掃

右揮手溪送客

結廬朱陳村而無會心友西林梵釋宮其僧如遠否
我欲過溪尋恐有山君吼

右龍樹寺尋僧

主人山澤癯所食惟薇蕨春來入谷飯與婦同採
弟齋之食餘何能使人膾

右陶沙谷採蕨

誰言聖源貧屈峽皆耕之雖苦燒畬烟而飽沙飯匙
應有澤風客過題菑灰詩

右石橋洞理粟

次士弘韻約門崑之遊

雙江木落見回灣韶閣寥、獨立欄萬寶郊空鳧鴈
少一鈴衙靜吏人閒冬深白鳥猶浮浦歲晏玄熊欲

蟄山莫畏門巖水塞路不妨封斷利名關

剪燈清平夜懷君頓覺孤今聞歸自洛欲與泛于湖
峽月猶圓在江楓不落無春州方禁酒須向屈雲沾

題西坡燕行卷贈第四郎冬至書狀之行

范老聘金作如何感慨稠看他蕃漢俗非舊帝王州
正氣空柴市詩聲寂雪樓今雖季子去等是未親周

昭陽小菴送琴鶴

雪罷方尋寺牛頭日已斜山寒愁赤豹徑仄怯青騾
齋飯求香積經床藉法華禪房茲會穩何忽起離歌

又賦仇池別語

人少會心者詩多失意時今逢澹蕩友始得平和詞
風響鳴冬急花期後雪逢初寒如許甚何以返仇池

復寄陶湖

君雖怪我近無詩吾本無梅豈有詩不識時宜破學
士梅花不送但徵詩

謝淮陽倅李君敬日躋惠鹿肉

獐邊之物角崢嶸仙肉歸庖似鶴烹尚憶卧軒馴養
日銀溪獵者善擒生

梅下次農巖集韻

連雨江雲密不歸今朝蜀日放寒暄郡中佳士如君

幾峽裏名花似爾稀湖主寄來香遠、山禽踏落雪
飛、最先盲籍梅詩就更使彈琴下縞衣

次士弘落梅吟韻

新淵舟子可招、三嶽禪房欲卜宵謝宅未聯飛絮
句林莊先送落梅謠昭亭十月江腰細猶寺千年佛
面凋同是夔州流寓客最憐君似葉飄、

與柳君話良台前度時事同述感懷

僑老非真守官居似僻村客能尋寂寞梅亦到黃昏
琴說存亡慟碑悲過去痕侯芭為負土曾掃子雲門

冬霖乍止又大雪同柳君賦

詠而無幾還雪詩江山終賴雪粧之晚來堪西漁策
句前夜愁吟春酌詞賦夢已迷荆峽女歌喉催召魏
公姬非時靈霧那為沴歷瘴瓊靈一尺奇

次陶湖悼良台韻

三載昭陽閱逝川寒宵百感不成眠
遠為秋柏良何去重夢春塘滂自然
韶宴未偕前太守壽鄉空羨兩
高年樓頭獨漏君遺唾應逐江天變滅烟

次陶病中近韻

一病公能理自寬還憐吟志太低殘
尚書氣與秋天爽老子健同春日寒
應笑乞梅遙送艇又將求鶴預

為欄雙清本是吾家物揩眼猶堪霧裡看

逢東園姪憑寄一絕

聞君琴道老方成指下今無析木聲
吾不自勞將卧聽盡傳絃撥使奴鳴

坐夜限韻

東野雖寒尚善鳴骨癯仍似島崢嶸
難將妓綺融衾暖獨有燈花入座明
千樹欲葩知雪意百花分酒見君情
陶病不念徒徵鯉夢聽敲冰江上聲

雪後乘月訪南巷次聯句韻

新聞南巷有詩人白戰無兵起北隣
武庫借來千槩

雪韶樓送犒百壺春欺凌侯喜非凡老歷倒微之即
末賓蒙叟活魚濟作沼徐卿有子水為神淋漓酒墨
村齋夕散落星河郡閣晨莫慮老夫衝虎返曉歸甘
寢有藤輪

乘雪將遊三嶽次琴鶴韻

四塞春川地門崑獨可通佛疲蕭寺古王走朔城空
雪嶠諸天內水梁二水中冬暄時則錯似為起衰翁

漆巖又觀獵次諸君聯句韻

獵騎迤邐入峽中雉媒無影栗塲空狂馳黃犬蹤尋
翻落蒼鷹翮掠風自越人來呈羽白如皁收笑破雪

顏紅豪情詐讓牛心侄餘咏猶露馬走叢

反稚悔贈師潤詩意贈之

師襄子不教夫子琴只是周伶擊磬襄潤也不解琴
何由造單父少宰之琴堂少學操縵晚治詩所不盲
者惟其心琴堂老人舊樂正君與紅粧弟子相率為
知音酒闌詩成張籍體神遊絃寫文王聲故於聞韶
花月席不可一日無此盲君不見左氏之傳太史
摠是自悼其身文豈如君之琴詩無此感情意視盲
還如月值雲嗚呼稚悔之詩太悲涼吾今贈此廣君
千愁腸

次琴鶴咏梅鷓韻

天賦么麼物如猴荆棘端籠蛇常觴網枚宿若搏凡
霄漢寧知大藩籬自占安誰能工咏汝短簿句先團

送琴鶴歸家次其韻

爾初來日喜是然僮又提壺意倍憐賦雪幾親水硯
澁憂時共歎兩鈴懸天寒野鶴將歸隱夜靜籠禽亦
坐禪詩席每輸君敏捷聚星群咏輒先圓

又次琴鶴韻勸移居春川

春峽堪因住君何戀屈溪畝農湏抱犢家春并驅鷄
斬木寧無谷收花亦有蹊於茲定居後十景不難題

呼韻

封羯焉能賦詩賓集謝庭益寒無宿火樓暗滅繁星
花裡鷓魂返枝端鳥夢醒諸君篇就否吾欲卧而聽

邊佐即佯挽

誰識城東有隱君吾家顏子服蘭薰功名不作三刀
夢壽祿偏歸萬石門同里故人星幾點殊方寄叟月
孤痕龍原會劍還淒斷階老人鏡共鬢樽

借南巷活魚種以伴鷓閣

有鳥何又求魚吾欲上下察也雪中何處得來乞諸
流水長者

潤果抱琴而至夜誦杜律中潦倒新停濁酒盃
之句曰濁酒窮者之吟而甫何為停觴不飲不
知濁醪之有妙理也其言頗趣琴聲又作商調
不可以下品酒待之故遂賜竹膏一盃仍作長
短以贈

師能奏清商曲兒莫斟濁酒盃欲答松風之古調可
勸竹露之新醅

柳叅知時模挽

此世惟君善葆真衆所趨處獨逡巡晴川花月仙宮
桂聊自光榮落拓身

除夕

去年除夕雪封扉今歲茲辰雨濕衣此日陰晴俱可
惜諸家遠近莫先歸報晨宮角吹何早守夜村燈點
不稀試按聞韶新教化吾詩減色妓歌輝

庚申元朝試筆仍示從孫

除宵坐聽雨連明如此元正未素經鷄旣報籌鳴不
已吾重試筆句翻成春還雙鬢難融白雪盡諸山欲
放青稊硯新年將省事作詩孫至又營

元朝復寒

雨餘風色劃嚴稜山鬼吹飈守歲燈步屨路難泥半

臥床懷慈炭交水碁爭局外吾高著詩伯壇心孰
代興枕畔魚鳥春活潑老夫於此亦騰：

第三日南子正宅同次三淵集韻

聞韶雖羨豈吾廬每到新春憶二如試筆已偕楮友
至親盃未忍麴生疎僮能對奕常為敵孫始成章復
自書此是今年小權趣寂寥誰比子雲居

第四日松堂呼韻賦春寒

一夜嚴凝壓小暄微瀾不起頌花樽床龜凍縮經冬
室樞馬寒嘶守歲村青帝尚憐仁稚嫩皓翁那得氣
飛翻驚寒百族鳴遠噤獨有籠鷓自在喧

見村虞白鷹次杜韻

白鷹不省人間有踰嶺疑從西極來節度烏衣今縞
服將軍組甲更銀盃高盤鵬際飄飄雪下擊禽羣劃
砮雷可惜杜翁描不盡蜀山羅者未擒迴

庚申立春次敏孫韻題松堂

春州再見立春旂寓室桃符借客言陽意欲迴枯木
質秋風幸貸病樗根敲推聲調衰宜錯咄赫光輝老
漸昏憂國願豐真善祝紫陽曾取杜家孫

七十八歲曾翁聞九齡孫七喜畢學史略喜賦

七也如驥七日馳癡翁欲共竹賒嬉新年書已融曾

史不日應成咏鳳詩

謹題 明廟臨瑞慈臺 賜羣臣酒圖

楓菊鮮々映沼濱瑞慈臺上卣壘陳時秋天氣方寒

肅特地春塘有一春

中葉生材更蔚如馨蘭歲暮有鋤餘倚歟圖上諸君子寔佐 明宣政晚初

元夜昭陽亭觀月馳水投宿九成小菴

昭陽果有水晶橋月亦知時早上霄銀兔放光水共冷白鷹無影雪空飄馮第官外誇騰踏卧佛菴中憇寂寥老馬為駒應謂我又從年少樂元宵

示梧軒

忽上肩輿逐少年小童驚白使君前何須諫我寒猶出却笑憂民夜不眠穩寢雲床便卧閣平騎雪馬似乘船東遊見慣昭江月今歲清輝倍可憐

二十二日晚吟

春寒偏襲鷄皮老夜嗽常殷龜足床尚有元宵未了業無眠被裏始成章

次一源韻續題表忠卷

松雲之事問蒼茫一鈞何年上海航談折校蠻知舌廣像留靈鷲見髯長雲臺樹冷論切地香巖檀裏護

法堂發闡師先是報佛請看鵬索百詩章

送族孫載憲罷峽寓歸嘉林

吾曾三載寄湖鄉一念依、尚戀桑峽裏今看移宅
葛閨中知有初行姜
杜陵孫子娶朱村別派終歸蜀本源江上新碑墮淚
別悲君不忘竹翁恩

第八日次南峽韻

看君文思潑如油春色春州復可遊有收能吟赤壁
賦何人同載漆巖舟秋江別派昭今在壺谷新篇我
敢酬雪洗千山生面目慶雲先見翠眉脩

楊州宗人趙時益挽

鄉里皆稱好箇人生兒文筆壓春隣豐宗散後重尋
族吾叔臨時所養民花樹會中思講睦稻杭峽裡願
依仁雲卿已朽君終失縱我東來孰與親

憐二鷓亡

種、輕螺色、妍翻、翻戲病翁前初迎佳耦成化
翼何忽雙歸莽渺天

貊國墟歌

貊是何代邦應為九夷一不知宮殿處似非城郭國
夫子欲居蓋有以何不如殷師渡渭水蜀人誰悲夔

子滅山鳥難問望帝事遺墟指點一莽蒼漠然徒見
山高而水清休道山川是額餘陸渾寧染山戎腥胡
塵久暗帝王州一片乾淨惟青邱慶雲三嶽作周遭
鳳儀龍山前舜翔國家何不取此作別都萬歲千秋
陪漢京

清平高歌擬永叔廬山高

廬山不足高最高惟清平清平不自高其以希夷一
先生麗代無隱者希夷獨抗清高情鬱銓小菴四十
年郊裡團一天不傾慶雲小邱本平今馬山若增
高水益清居然天半壁立勢莫高楓嶽還低評蛟骨

寧作北邙土閣在嵒嶽之崢嶸心雖與月印在影池
中依舊見性層九成中經普雨亦不卑蜀山之重豈
以人去輕何人繼此作三高後有子益前悅卿嗚呼
東峰雪嶽豈不高終讓茲山推父兄

寄題交州起色亭

三年卧閣人不為金剛起倏爾小亭成悠然大宅喜
淮之太守世雖稱楓嶽主人楓嶽於淮實風馬牛
官居僻峽但一東軒衙於是卧於是而已小江在
旁亦無亭以臨之如此而猶自謂七分仙可乎今
太守慨然作亭發揮江山頌壅之區忽變壘堦汲

閣之卧此足以喚而起之而鄭邑之改亦不待遠
謀於野然則序不可以不作而名之以起色也亦
直噫余之前來既未辨此和舊軒而燒之湖山公
業無可以藉手付君顧何足以張大是役乎可愧

次玉鏡潭韻

難攀蕩、衆香城黏足愁無側栢榮到寺方收峯立
立記樓終愧句平、雖於華嶽回潘首未度仙潭刻
戟名非為中郎黥石語自多支遁愛山情

余於遊山性不喜題

名素石公亦懸刻名者曰青山白石豈可無故而懸刻之故第七云

寒食雨後次東州集韻送從孫乘漲歸洛

月明猶雨濕清明未種高田水漫羸今歲農切將又
晚老年詩課欲何成飽溫與我元無分風日於花太
不情差喜笠灘深沒棹爾歸江檻一毛輕

鶴林趙使君鳳周應過惠一律次其韻

邑力供魚戶公移訟鶴詩湖寧三日捨瓜欲十年違
舊境尋無夢新官遇不期恐君難應接色、海山奇

次陶湖六十七歲韻

吾齡節次到今年吾亦不知所以然俗骨猶難作澤
癯道眼反認為霄仙湖山風月果成公痼病造物似
嫌清福盛微痾把作一大事自擬奪山之九命使公

齋心服藥更十歲上壽自可優、逮維和印子觀理
吟觀化之地肯徑詣朝纏既脫利名寰斗籍應除生
死關如聞主人有起色一盞遠頌峨之山

鶴林使君起廢亭修湖舫

覓我進船詞
仍寄一絕句

四面朱欄蔭碧油畫艇重出起輕鷗西湖公業吾何
付只有三章進棹謳

携洪甥整登昭亭歷九成菴煎花

峽雲久掩艷陽天今逐君來春藹然花柳初經雨洗
蕪江山為起病沉綿先未古寺煎紅嫩明欲新淵泛
綠連妓唱襄陽還一笑山翁何似此翁顛

次仇池韻

峽水難打破四月舟終通起色籃輿上翠音葉渡中
紅英煎不盡綠漲酒何空莫向門崑去前年三遇風

清和六日

春城四月出遨頭小、孫從太、遊月舫宵聞牛渚
咏烟波暮起鶴樓愁妓談吳等絃舍思民說良時碣
闡幽若聞此翁無事、昭陽江上日乘舟

雨

今朝天雨玉安得不歸詩已報枯年活旋看燥翰滋
價高桃葉舫聲濕竹樓棊三嶽尋花事雖陰莫失期

春寒

春寒久噤百嚶鳴四月鶯花始滿城
病樹半猶粒點綴新吃各自語
圓清枯苗喜愠雨多少老子炎涼衣
熟生花障西扇非本色白頭何苦賦妍情

春入清平

門巖敗興當牛頭何處春江不可舟
但欠引船紅點二清平花早未飄浮

朝辭昭閣暮清平狼石骨船未易行
今夜應難夢真樂枕邊猶殷急灘聲

知退亭前舡不進滄波日暮越難期
知難而退師前

哲緩步從遷也不危江邊有幾落遷

西川宵見一燈紅尋寺朝穿萬木叢
峰下小菴三裏釋似曾相識影池中

清和乘舟入清平

四月尋春入真公應怪遲樹深花落後
山聒瀑肥時更覓清寒院幽吟子益詩
三高留指爪於此合同祠

泛舟孤山次玉峯韻

江如苕霅兩烟波北渚就舡輿路斜浦
豁魚籃羣船到峽開猿永遠山多浮來
孤島元無蒂卓立高厓尔有花欲返昭
陽灘轉急又教妓唱進船歌

舟過西下村次三淵韻

杏梨村戶翠陰圓
餉籃之妻午出扉
耕叟相誇繭犢健
漁人初白錦鱗肥
西河國寶中流歎
南澗吾廬幾日歸
便欲輕舟從此往
陶廬尚遠風吹衣

自西下轉門巖泝新淵而還

羣山萬壑赴門巖
西上下如坳北南
村姓百家惟趙鄭
國墟何代邈荆凡
鮮崖葉憐春殿剪
江風拂夏衫白鷺
洲前流又細暮回
煙棹泝新潭

門巖次體素韻

踞虎登蛭未覺難
躋攀吾亦策衰殘
江山受用巖無

盡水月和傾酌不乾
騎鶴三年從飽煖
披羊五月笑懼寒
歸舟未捲春州去
畏有人求峽葉看

次三淵集韻

終宵聽雨二松堂
松亦吹生一霎涼
山翠漸濃連麥色
水丹雖落續棠香
田園活計初何有
邱壑風流本不長
還愧杜翁今老蜀
樹陰空鎖后溪庄

清和晦日

將雨熏蒸既雨淒
揆衣單袂日難齊
使君行野觀馴雉
稚子登塲聞擊鷄
青穗尚稀餘飯麥
紫芝初馥免羹藜
端陽畫扇如吳否
峽俗其誰寫后溪

放翁端午詩曰吳中

近例君知否
團扇家、畫放翁

食麒麟紫芝菜

豈獨巴人訟芋訃
今聞蜀國有芝山
攢生紫玉同朱峽
東比青葛貢錦官
卓氏不飢留寶曆
商翁長茹駐
桃顏老夫嗜芝君
何笑猶勝羶葷腐肺肝

遊西下之第二十日復泛西上江至門巖而還
將窮西上峽船又遇西風水自成巴字山如入越中
燒芝舟饌淡嘗麥射造豐六、峯相似陶翁有廟宮

疊鶴林使君詩字

早聆名下士相見
晚因詩丹色開爐
迭詞塲執弭遲

政雖修舊觀遊豈有前期
欲托忘年契誰聘誰子奇

志毅堂次琴鶴韻

小苑民食困食松夏晚
新年未入春黃鳥不啼綿古
老紫櫻將熟葉心濃
何懷首若三升酒難捨清平數
箇峰問爾昭陽江畔
女顏風應恨負情懷
首若春川別語也

又次琴鶴韻

難得將軍歌大江
雄詞填入小娥腔
何須洞壑窮三戶
自有湖山納八窓
官妓時粧看狼藉
村翁古話舌
蠻蛇相從娛戲于何處
鳳嶽藍輿顏水艫

三檜洞仙菴次琴鶴韻

片石孤峰自慶來相傳精舍定公開牽蘿以補初無
路掛瀑之前輒有臺狼縣道途山崿嶮頽宮基址水
昭回何愁夏晚之詩景芳草綠陰俱可裁

三檜洞法華菴被盜燹為瓦礫場次琴鶴韻

真成破山寺石柱仄金華亦有盜憎佛并燒書與家
無厨泉入甕經火木能花此世元灰劫菴災不足嗟

舟發春峽

三年始出漆巖門急峽蒼藤路不昏誰獨依々如迹
我春州樓閣水中痕

鶴林復酌海亭歌

昔日謫仙醉碎黃鶴樓黃鶴無依上訢天後來又誰
撤我酌海亭波臣爛死風摧蓮東岡筆下三字扁又
與鑑湖飛字雲中去湖心青雀孰負趨進艸詞響尋
無處杭州今過後蘓軾梳掠湖山簇眉目白鷗方喜
湖更開黃鵠亦言陂當復滄海今浸舊藕根華檐宛
見前韻樣芙蓉小檻竹軒西倚樓使君來相望不須
譏李復嘲丁無毀成者惟海山海山寂寥三十載風
景暫死能生還重修篇屬首初人白首留吾蓋有待
嗚呼楣頭舊墨終莫返紗籠此亭始完吾家界

鶴林新剏湖海亭

江鷗亦避有機翁
臺號何宜冒相公
今日頭銜洗二字
湖山始出墨池中

莒亭泛泛逐烟波
噉叱童鬟進棹歌
湖海高樓張廣樂
今之太守大方家

具承宣性五宅奎主知亭

君家太華洛陽衢
何事方山棄不居
欲作江通那易得
皇明已燭小茅廬

陶湖誄

尚書有和氣
觀者如醉醇
端凝廣平安
早是公相真
曷盛諸謝宅
獨有東山人
不出小草山
惟栽千樹春

要完北塞集
再窮西水巡
厭傳臺故紙
及受羣鳥噴
公卧自此堅
我造寧嫌頻
西江浪波外
南澗泓淨濱
松門豈熱門
廣津非要津
再往尋真樂
一出笑彥倫
石渠事不窮
鑑塘光愈新
高下亭無處
不角中
繡谷錦江山
受用公不貧
清風灑松石
晴月翻泉紳
焚香咏詩外
孰撓無累神
但嗟一叅同
未正龜鶴身
那知二梅閣
一朝棲暗塵
昔共家仲容
并禰陶唐民
嗚呼同隱處
今非山鬼隣
寧為二君祠
配食峨之申

又

吾老守東陂
屬公歸廣湖
請主詩社盟
溪西同載書

攀陪舊青雲對將雙白鬚峨岬漢皋間鞭弭常并驅
作必傳筒寄思輒折簡呼時遊松石軒竹扉開為吾
洒濯瀑布風淋濕湖山圖曾曰蘇島舡同賦東津漁
龍門自擅宋鱸穴寧借吳向來跌宕事水濱其間諸
指畫前輩逝此道近頰孤中文去后溪詩運三年蕪
若為重入春後墨前尋儒聞韶剪燭再谷雲觀瀑俱
睡菴一敬後禪病驚文殊書絕報峽中淚已霜鬢濡
顧謂琴鶴曰自今詩欲無歷之四十韻欲吞終畫鋪
平生八哀篇忍廢於公乎但媿臨江告不如送崔初

題沈生師貞小畫

迷離望月眼似欲嘔兒兔此夜仙宮桂秋香亦暗吐
右望月兔

籬外玄黃蝶草根青促織斑斑萸菊花點染皆秋色
右晚蝶秋虫

誰歲沈畫多海嶽盈淮軸咫尺萬里勢曹家一幅足
右小幅山水

三宿之戀多在壽春依樂天憶江南戲成三首
春州望一座龍山尚巋然三朝前老疑蒼叟百年內
賢又笑仙長望壽星纏

春州憶昭江賢王最風流題詩筆倒昭樓會鼓興鞭

先嶽寺遊能不憶春州

春州憎聞韶弟子沒心情寧回樊子行時首難遇王家去後鶯憎堪打鴨驚

東園家未嘗無酒而辭以味薄不與螯偕送雖喜螯來衆公子還愁酒化一先生東坡今晚家為活北海初非樽不盈

吳大諫命瑞挽

祭吾姊者即吾甥見爾常如見我兄早試仁明三郡政不慚名節舊家聲青雲始上兒追逐黃壤徑歸世訝驚哀病開門違哭送可言猶有渭陽情

次一鑑亭舊韻

宗家一鑑亭本曾王考舊廳事屋老幾覆善變為今亭稱以一鑑宗孫景命實尸其後不幸家燬他人入室子孫之過之者每望屋躑躅又幸而諸孫有如王子敬者卒推舊壇而歸我家堂構之功與其叔而俱可書也初亭之復也東岡叔父同諸子侄詠歌而落之壁上尚有舊題顧念良錫尤嘉溥事謹次前韻略述感懷贈時主人載溥

斯亭五世幾虧成有構兒承白賁兄古鑑拭塵雲落影新簷壓甍雨添聲善和書在人先易烏巷詩留雪

久晴贖返遺堂修壞壁未斬餘澤見重營

次羅州林氏泉石亭韻

源水來為治於焉瑞石窮名亭隣息影隱岩似逃空
錦谷筍肌白滎江魚眼紅時時為親出採釣逐村童

右美故主人行誼

亭和泉石上丹青瑞月羣峰亦列檣有竹主人今識
姓入林賓友盍圖形高賢已去寒藤罥童子猶看翠
草庭應是孝廉求誅出何人錯道夢無醒

林君方求仕於京故

一源詩曰天街醉夢尚無醒

借來第三侄家梅今年得見洛陽花豐原有三

株而不能奪一此亦勢耶猶不免乞酒東豐原

玉樹每移羣姪家可憐癡叔老饒花廣平府裏雖多

有鐵石心寧送一範

嚴飈忽擺小梅飛貧老嗟無犀鎮帷憶得溪西賞花

日南隣丞相餉羔兒

吾家梅花會辛丑後便廢今冬入都見諸家所

蓄梅花忽憶舊事與君錫弟晦相圖復好會人

雖不完羊猶存焉烏可已乎相府第一席夜飲

聯句會罷都次聯句韻示先設主人

無賓東閣有玄成清獻庭禽警月明堂饌波餘家宴

設梅花期到竹林迎北枝已動如相競南巷雖貧亦
次呈良伯尚悲秋栢實四節重喜舊槐榮咏鳳兒大
毛尤別如蚓人哀竅或鳴此會吾家疑獨擅天花空
滿洛陽城

大憲家第二梅會席聯句又都次

都御史家梅又開簡通宜速看花來房公琴客庭蘭
至子美詩咸杜位陪本自家宴無錄事還愁 上戎
在銀盃勸斟不用雙文唱為賦休將五色裁老子醉
難藜杖撰相君行莫火城催燈花歸對應寥落且待
烏啼拂曉迴

不見雲卿久矣今見少雲卿如見雲也其歸寄

呈二律

十年吾亦返遼城故舊多見不生獨有雲卿飢在
谷兒來彷彿帶容聲

書言琴道晚能成夸老之言未信聽揣得塵絃生澁
響僅如漱玉凍泉聲

答寄鶴林守下第還任

歸日魚鰈必笑之鵬圖垂翅返天池高才未第吾知
故錯愛羅劉不達詩

題申道明澄朴淵圖

素瀑如蛟飲練光千珠跳磬老龍藏淋漓李障泣山
鬼寥亮朴潭來遶師

溪西翁之大歸七載始過故宅則堂已易主而
所謂五松者亦不在矣撫跡興愴不免重拈退
筆得一絕

從今斷不拈毛錐同一禿翁從此離何意忽穿囊裏
出溪西不昧似催詩

城南李尚書壑五昆第連枝會園歌

龜川舊宅福有田袞孫多壽貴賢緋衣金帶主無
常雪眉桃頰人皆仙蒼松下落皓似是商翁加

一負城南花樹勝韋家五宅今日開華筵西京厨傳
南池會自郡致者皆芳鮮席次相聯似鴻鴈身章交
映皆貂蟬溫公捧杖康伯側楊相授匙兄春前融
太和滿座春第勸兄酬同一樽和聲不待太常樂伯
仲親自吹篳埙丹顏常帶印前酒艷菜猶殿清和天
枝紅紫種色孰知根葉元相連諸賓艷歎時宰
如一網先罹哀文泉天倫樂事鬼不樂此世由來難
滿圓嗚呼勝會幼未覩老去今看圖畫傳君不見奔
山盛事述皇朝鉅家亦無如此榮貴門

登仙歎贈祥雲朴督郵之行效一源體

丞職諺數慢君何為此官不知祥雲丞人作神仙看
七分前刺史仙字歸不難十五仇火驛並海走楓巒
鳴沙不沒蹀小駟皆彥端何妨陪使行相逐同駮鸞
但恐風景殺蹄踏棠紅殘卸厨海物錯廣文今不寒
三日豈不再八景方盡觀海山又鼓舞詞墨追崔韓
荒政尔累仙度嶺期不寬莫借山公騎臨賑同倒冠
衰老莫為駒謾贈登仙歎

不眠病中豐原送詩與琴者氣頗清蘊

尚記溪西會杯傳驃騎牆可憐詩酒興今老不能狂
謝仇池惠百花酒料祝以千壽

百花勤拾壽他人還似巖蜂浪苦辛五百歲翁吾尔
足盍君留享半千春

病後廢詩久矣一源詩來不得已破戒次其韻
君家三伏訝偏涼石老雲僧與共堂今借一涼翻得
句此翁詩戒不能長

次一源送行韻贈聞喜倅洪錫孫應麟

吾詩豈挽汝也為署經留欲策老夫懶乃於詞伯謀
水曹先過夏火嶺好尋秋何又擔翁去令余生別愁

聞嶽下詩福新自燕還求見送贈

中州集不附高麗未遠菟羅恨裕之聞道東詩初入

選後金詞伯更為誰

僧去信阻

一僕彈琴又著棋門僧賴致老榘詩前宵咏罷弼明
去自此山河更間之

呈嶽下復覓燕迴詩

伯氣空中嶽非君孰代興醫山後懷王亦請將壇登

